

10. gr.

Gildistaka.

Reglugerð þessi, sem sett er með stoð í lokamálsgrein 43. gr. laga nr. 117/1993 um almannatryggingar, með síðari breytingum, og 29. gr., sbr. 21. gr., laga nr. 125/1999 um málefni aldraðra, með síðari breytingum, öðlast þegar gildi. Frá sama tíma falla brott reglur tryggingaráðs nr. 968/2001 um afgreiðslu umsókna um framlengingu bóta, þrátt fyrir sjúkráhusvist skv. 5. mgr. 43. gr. laga nr. 117/1993 um almannatryggingar.

Heilbrigðis- og tryggingamálaráðuneytinu, 29. mars 2005.

Jón Kristjánsson.

Davíð Á. Gunnarsson.

SAMÞYKKT**um búfjárhald í Grindavík.**

1. gr.

Í Grindavík er búfjárhald heimilt að fengnu leyfi bæjarstjórnar. Bæjarstjórn veitir leyfi til búfjárhalds gegn þeim skilyrðum sem um getur í samþykkt þessari.

Til búfjárhalds samkvæmt samþykkt þessari, telst hald dýra sem talin eru upp í 2. gr. laga nr. 103/2002, með síðari breytingum, hvort sem þau eru haldin til búnyttja, tómsunda-
iðju eða annarra nota.

2. gr.

Umsókn um leyfi til búfjárhalds skal senda til bæjarstjórnar ásamt yfirlýsingu um að búfjárhaldið sé að öllu leyti á ábyrgð umsækjanda.

Sumarbeit sauðfjár úr Grindavík skal vera í beitarhólfi í Krísuvík. Sauðfjáreigendur skulu annast alla smölun og réttarhald í beitarhólfinu, ásamt öðrum sem það nota.

3. gr.

Öll gripahús skulu byggð úr þannig efni, að auðvelt sé að halda þeim snyrtilegum og að búfé líði vel í þeim. Hús skulu uppfylla ákvæði reglugerðar um aðbúnað búfjár. Húsunum skal haldið vel við, þau máluð utan og innan og haldið hreinum. Tað og annan úrgang frá búfé skal fjarlægja.

4. gr.

Bæjarstjórn veitir einungis þeim leyfi til búfjárhalds sem ekki hafa brotið gegn lögum um dýravernd eða lögum um búfjárhald eða reglugerðum settum samkvæmt framangreindum lögum og að fenginni umsögn búfjárefntirlitsmanns.

Ef leyfishafi brýtur reglur um meðferð búfjár, t.d. uppfyllir ekki skilyrði um vörslu, getur bæjarstjórn afturkallað leyfið að undangenginni aðvörun.

Leyfið miðast við ákveðinn hámarksfjölda búfjár og er bundið við nafn umsækjanda, þannig að ekki er heimilt að framselja leyfið. Bæjarstjórn getur veitt leyfi til ákveðins tíma eða ákveðið tiltekinn frest til afturköllunar.

5. gr.

Búfjárefntirlitsmaður svæðis 3, sbr. 7. gr. reglugerðar nr. 743/2002, um búfjárefntirlit o.fl., annast eftirlit með búfjárhaldi og skal hann leiðbeina og áminna eftir atvikum, búfjáreigendur sem gerast brotlegir við framangreindar reglur.

Lausagöngufénaður skal handsamaður og skráður. Skylt er eigendum að sækja gripi sína og greiða áfallinn kostnað og tjón, þar með talinn kostnað við handsömun gripanna.

Búfjáreigendum er skylt að tryggja búfé frjálsri ábyrgðartryggingu gagnvart tjóni þriðja aðila og skal búfjáreigandi geta sýnt fram á að hann hafi slíka tryggingu sé eftir því leitað.

6. gr.

Full vörsluskylda og ábyrgð er á höndum allra búfjáreigenda og er viðkomandi skylt að halda fénaði sínum í vel afgirtum hólum í heimalöndum. Allar girðingar skulu vera gripaheldar og uppfylla skilyrði 13. gr. reglugerðar nr. 748/2002, um girðingar og er landeigendum eða umráðamönnum skylt að annast viðhald þeirra í samræmi við vörslukröfur bæjarstjórnar.

Grindavíkurbær hefur umsjón með viðhaldi beitahólfa.

7. gr.

Brot gegn samþykkt þessari varðar sektum eða fangelsi ef miklar sakir eru. Með mál út af brotum skal farið að hætti opinberra mála, sbr. 18. gr. laga nr. 103/2002, ásamt síðari breytingum.

Með vísan til 5. gr. laga nr. 103/2002 um búfjárhald o.fl. og að fenginni umsögn Bændasamtaka Íslands, staðfestist samþykkt þessi, sem samþykkt er af bæjarstjórn Grindavíkur, hér með til þess að öðlast þegar gildi og birtist til eftirbreytni öllum þeim sem hlut eiga að máli.

Ákvæði til bráðabirgða.

Allir þeir sem við gildistöku samþykktar þessarar eiga eða hafa í umsjá sinni búfé sem fellur undir samþykktina, skulu innan fjögurra mánaða frá gildistöku hennar hafa tilkynnt um búfjárhald sitt og sótt um leyfi til búfjárhalds. Að öðrum kosti fellur niður heimild þeirra til búfjárhalds.

Landbúnaðarráðuneytinu, 23. mars 2005.

F. h. r.

Ólafur Friðriksson.

Atli Már Ingólfsson.

AUGLÝSING

um útgáfu starfsleyfa fyrir atvinnurekstur sem getur haft í för með sér mengun.

Umhverfisstofnun hefur gefið út starfsleyfi fyrir olíubirgðastöð Íslenskrar olíumiðlunar hf., kt. 510204-3010, Naustahvammi 53, 740 Neskaupstað. Starfsleyfið er gefið út í samræmi við 6. gr. í I. kafla laga nr. 7/1998 um hollustuhætti og mengunarvarnir og reglugerð nr. 785/1999 um starfsleyfi fyrir atvinnurekstur sem getur haft í för með sér mengun. Starfsleyfið öðlast gildi þegar útgáfa þess er auglýst í B-deild Stjórnartíðinda og gildir til 15. apríl 2015.

Umhverfisstofnun, 22. mars 2005.

David Egilson forstjóri.

*Sigurbjörg Gísladóttir,
forstöðumaður stjórnsýslusviðs.*